



Broj: 01-35/ 13
Vareš, 29.01. 2013. godine

Na osnovu člana 95. Statuta Općine Vareš-Prečišćeni tekst broj: 01-162/12 od 11.09.2012. godine i člana 100. Poslovnika o radu Općinskog vijeća Vareš-Prečišćeni tekst, broj: 01-109/09. od 29.04.2009. godine i broj: 01-16/12 od 31.01.2012. godine, Općinsko vijeće Vareš na 4. sjednici, održanoj 29.01. 2013. godine, d o n o s i

Z A K L J U Č A K

I

Daje se saglasnost za deponovanje kućnog smeća sa područja općina Breza na gradsku deponiju „Kota“ uz naknadu, na period od šest (6) mjeseci sa mogućnošću produženja.

II

Saglasnost se odnosi samo na kućno smeće i transport kućnog smeća isključivo vozilima JKP d.o.o. Vareš.

III

Sva prava i obaveze kao i visina naknade će biti regulisane ugovorom između Općine Vareš i JKP d.o.o. Vareš, sa jedne strane, te Općine Breza i nadležnog komunalnog preduzeća, sa druge strane.

IV

Zadužuje se Općinski načelnik i menadžment JKP d.o.o. Vareš da informišu Općinsko vijeće Vareš o finasijskim elementima realizacije ugovora jedanput u šest mjeseci, a dobit po ostvarenom ovom poslu usmjerit će se za nabavku novih sredstava unutar JKP d.o.o. Vareš s ciljem boljeg održavanja komunalne čistoće i komunalnog reda.

V

Nadzor provođenja ovog Zaključka obavljat će komunalno-građevinski inspektor Općine Vareš.

U slučaju kršenja odredbi ovog Zaključka isti se stavlja van snage a monitoring za provođenje kompletnog Zaključka uz komunalno-građevinskog inspektora Općine Vareš, vršit će i nevladin sektor i građani općine Vareš.

VI

Zaključak stupa na snagu danom donošenja.

PREDSJEDAVAJUĆI
OPĆINSKOG VIJEĆA

Zdravko Marošević

Obrazloženje zaključka o davanju saglasnosti za deponovanje kućnog smeća sa područja općine Breza na gradsku deponiju „Kota“,

Na 3. sjednici Općinskog vijeća Vareš koja je održana 27.12. 2012. godine pod tačkom dnevnog reda „Tekuća pitanja“, Predsjedavajući OV upoznao je prisutne da je Općinskom vijeću i Općinskom načelniku upućen Zahtjev broj: 01/2-05-2384/12. od 28.11.2012. godine od strane Općinskog načelnika Općine Breza, u kome se traži da Općinsko vijeće Vareš donese Odluku o davanju saglasnosti Općini Breza za deponovanje otpada na deponiji Vareš, na period od godinu dana.

Zahtjev Općine Breza dobili su i svi vijećnici uz poziv za sjednicu OV.

Nakon rasprave je usvojen sljedeći zaključak: „Zadužuje se Općinski načelnik i nadležne službe uprave da za prvu narednu sjednicu Vijeća, pripreme odgovor, odnosno informaciju po svim parametrima, a vezano za Zahtjev Općinskog načelnika općine Breza koji se odnosi na davanje saglasnosti Općini Breza za deponovanje otpada na deponiji u Varešu.“

Od strane JKP d.o.o. Vareš je zatražena informacija o dosadašnjim aktivnostima na odlaganju kućnog otpada sa područja općine Breza na gradsku deponiju te vam prenosimo dostavljenu informaciju u cjelini:

„Vezano za zaključak Općinskog vijeća Vareš u kome se traže određeni parametri po pitanju deponovanja otpada na deponiju „Kota“ u Varešu, obavještavamo Vas da deponija ima kapacitet za deponovanje od cca 6-7 hiljada tona godišnje za sljedećih 25 – 30 godina.

Trenutno se na deponiju „Kota“ odlaže cca 2,5 – 3 hiljade tona smeća prikupljenog sa područja općine Vareš. Isključivo se odlaže kućno smeće čije odlaganje je kontrolisano od strane Kantonalne i Federalne inspekcije za prostorno uređenje i okoliš.

Deponija se redovno planira i uređuje, a dva puta godišnje se vrše DDD poslovi od strane Zavoda za javno zdravstvo Zenica. Sačinjen je Plan prilagođavanja i upravljanja deponijom, tako da se svi poslovi, od same sanacije i rekultivacije tog prostora, do izgradnje objekata (pretovarne stanice, sortirnice, prese i sl.) trebaju završiti do kraja 2017. godine.

Kontinuirano prikupljanje otpada i kontrolisano odlaganje te njegovo sortiranje po klasama je jedino ispravno, dugotrajno i kvalitetno rješenje.

Najveći problem predstavlja nekontrolisano odlaganje otpada i stvaranje divljih deponija tamo gdje to odgovara nesavjesnim pojedincima. Nadležni inspekcijski organi, treba upravo da rade na sprečavanju i kažnjavanju onih koji nekontrolisano odlažu otpad na divlje deponije na širem području općine Vareš.

Preduzeće je u skladu sa Zakonom i Statutom za komunalna preduzeća registrovano za rad i pružanje usluga za treća lica, pa samim tim i pružanje usluga prikupljanja, odvoza i deponovanje otpada uz naknadu, koja je određena cjenovnikom za određenu vrstu usluge.

Ovo preduzeće na zahtjev Javnog komunalnog preduzeća Breza i na osnovu Odluke Nadzornog odbora broj: 823-10/12 (kopija u prilogu) je pružalo usluge prevoza, isključivo kućnog smeća za potrebe općine Breza u periodu oktobar – decembar 2012. godine.

Ukupno je dovezeno 29 tura kućnog smeća i fakturisano i naplaćeno za tu uslugu od strane JKP Breza 17.400,00 KM. Pošto smo registrovani za obavljanje ove vrste usluge u skladu sa Statutom i drugom zakonskom regulativom nema nikakvih zakonskih smetnji da ovo preduzeće i dalje pruža usluge rada autosmečara za potrebe Općine Breza odnosno JKP Breza.

Prihod koji se može ostvariti po tom osnovu je cca 10.000,00 KM mjesečno odnosno 120.000,00 KM godišnje. Odgovorno tvrdimo da se na gradsku deponiju „Kota“ isključivo odlaže kućni otpad, te se u svakom momentu od nadležnih inspekcijskih organa može utvrditi način odlaganja i šta je sadržaj otpada.

Još jednom naglašavamo da nije problem kontrolisano prikupljanje i odlaganje kućnog otpada već je glavni problem kako kontrolisati i spriječiti nastajanje divljih deponija“.

Problematika odlaganja otpada na području općine Vareš je regulisana Odlukom o komunalnom redu br. 01-100/10 od 05.05.2010. godine gdje je u članu 92. definisano:

“Član 92.

Lokacije deponije određuje Općinsko vijeće.

Općinsko vijeće, na prijedlog Javnog komunalnog preduzeća d.o.o Vareš, određuje način uređenja, održavanja i čuvanja, kao i prestanak korištenja deponije., te daje saglasnost na visinu naknade za korišćenje deponije od strane trećih lica.

Korištenje deponije od strane lica izvan područja općine Vareš odobrava Općinsko vijeće.

Na području općine gdje nije organizovan odvoz smeća građani su dužni smeće odlagati na privremenim lokacijama koje odredi mjesna zajednica u saradnji sa komunalnim i sanitarnim inspektorom.”

JKP Vareš dovozom smeća sa područja općine Breza nije uradio poslove koji su u suprotnosti sa Odlukom o komunalnom redu jer i nije bilo korištenja deponije od strane lica izvan područja općine Vareš nego je JKP vršilo usluga prikupljanja, odvoza i deponovanje otpada uz naknadu.

Preduzeće je u skladu sa članom 3. Statuta JKP br.77-01/12 od 30.01.2012. godine registrovano za obavljanje poslova cestovnog prometa i upravljanja nekretninama za treća lica- uz nadoknadu ili na osnovu ugovora a jedna od nekretnina kojom upravlja ovo preduzeće je i gradska deponija.

Dakle JKP nije postupilo suprotno važećim zakonima i propisima nego je čisto na tržištu obezbijedio dodatne poslove i dodatne prihode te ovo treba posmatrati čisto sa ekonomskog aspekta.

Iz čisto ekonomskih razloga trebalo bi podržati ovaj vid obezbjeđenja dodatnih prihoda za JKP koji bi išli u daljnji razvoj firme jer bi se kućno smeće odlagala na već postojeće odlagalište, koje ima kapaciteta da primi potrebne količine otpada,te ne bi dodatno ugražavalo stanovništvo i okolinu općine Vareš.

Plan prilagođavanja i upravljanja otpadom za deponiju komunalnog otpada je predviđeno zatvaranje postojeće deponije koje obuhvaća poslove od same sanacije i rekultivacije tog prostora, do izgradnje objekata (pretovarne stanice, sortirnice, prese i sl.) i trebaju završiti do kraja 2017. godine te prevoženje otpada na buduću regionanu deponiju.

Iz ovih razloga tražim da date podršku ovoj aktivnosti i svojom saglasnošću doprinesete daljnjem razvoju našeg preduzeća te na kraju, zašto ne iskoristiti mogućnost obezbjeđenja dodatnih izvora prihoda.

PREDLAGAČ
OPĆINSKI NAČELNIK
Kovačević Avdija,dipl.pravnik